

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-1963-2/19. od 10.01.2020. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktorica Melisa Alibašić Hadžić, dipl.pravnik (u daljem tekstu: Ugovorni organ)
- i
2. **„ALPER GROUP“ d.o.o., ul. Kasindolska cesta br.8, Sarajevo**, registrovan kod Općinskog suda u Sarajevu (matični broj subjekta upisa 65-01-1093-12), identifikacijski broj kod Porezne uprave FBiH Kantonalni ured Sarajevo 4201821130000, identifikacijski broj obveznika PDV 201821130000, koga zastupa Direktor Alp Senat (u daljem tekstu: Dobavljač)

dana 10.01.2020. god., u Sarajevu zaključuju

UGOVOR O NABAVCI

Član 1.

Ugovorne strane su saglasne da Dobavljač za potrebe Ugovornog organa, prema svojoj Ponudi broj: 331/019. od 25.12.2019. godine i zahtjevu Ugovornog organa broj: 13-1912-1/19 od 24.12.2019. godine izvrši nabavku i isporuku **nabavku i isporuku i montažu troetažne pečenjare (br. 950x870x1650, ukupna priključna snaga 17,7kw/400V, tri rešetke GN 2/1, dim pečnice 3x540x730x300, komplet inox izvedba) za potrebe KJU „Gerontološki centar“ Sarajevo.**

Član 2.

Dobavljač se obavezuje da će robu, koja je predmet ovog Ugovora, isporučiti u skladu sa zahtjevima Ugovornog organa i svojoj ponudi, te da će u slučaju isporuke neodgovarajuće robe, koja ne udovoljava zahtjevima Ugovornog organa ili robe sa skrivenim manama koje se nisu mogle odmah uočiti, prihvatiti povrat takve robe i o vlastitom trošku isporučiti odgovarajuću robu.

Dobavljač se obavezuje da će isporučiti robu koja je proizvedena prema usvojenim tehničkim propisima i standardima, te da će prilikom isporuke robe dostaviti svu potrebnu dokumentaciju.

Član 3.

Ukupna ugovorena vrijednost predmetne nabavke iznosi **5.625,00 KM** bez pripadajućeg PDV, odnosno **6.581,25,00 KM** sa pripadajućim PDV.

Ugovorena vrijednost predmetne nabavke je fiksna do kraja izvršenja Ugovora.

Dobavljač garantuje da će tehnička svojstva isporučene robe odgovarati zahtjevima utvrđenim zakonskim propisima, tehničkim mjerama, normativima i standardima koji važe za predmetnu robu.

Dobavljač se obavezuje da će prije puštanja robe u rad izvršiti testiranje iste, kao i obuku osoblja za adekvatno rukovanje.

Član 4.

Ugovorni organ se obavezuje da će plaćanje ugovorene vrijednosti predmetne nabavke iz člana 3. ovog Ugovora, izvršiti u ukupnom iznosu, u roku od 7 dana po ispostavljanju fakture-računa Dobavljača, na njegov transakcijski račun broj: 1860001059106067, otvoren kod Ziratt banka dd BiH Sarajevo.

Plaćanje će se vršiti u KM.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 5.

Dobavljač se obavezuje da robu koja je predmet nabavke isporuči u roku od 5 dana od dana obostranog potpisivanja ovog Ugovora.

Ukoliko Dobavljač zakasni sa izvršenjem ugovorenih obaveza, dužan je platiti Ugovornom organu, za svaki dan zakašnjenja u izvršenju ugovorenih obaveza, ugovornu kaznu, u iznosu od 2% od ugovorene cijene predmetne robe sa čijom isporukom je zakasnio.

Ugovorni organ se obavezuje da Dobavljača odmah obavijesti o svakom kašnjenju u izvršenju ugovorenih obaveza, na osnovu koje je Dobavljač obavezan umanjiti iznos fakture za plaćanje u skladu stavom 2. ovog člana.

Ugovorne strane su saglasne da je za slučaj neizvršenja ugovorenih obaveza Dobavljač dužan platiti Ugovornom organu, ugovornu kaznu u iznosu od 5% od ugovorene cijene predmetne neisporučene robe.

Pored prava iz stava 1., stava 2. i stava 3. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Član 6.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, Ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da o nastalim nepredviđenim okolnostima zbog kojih je ometan u izvršenju Ugovora pismeno obavijesti Ugovorni organ.

Član 7.

Garantni period za instaliranu robu je 12 mjeseci od dana isporuke i instalacije, u kom roku se Dobavljač obavezuje bez naknade izvršiti opravku svakog kvara, što uključuje i zamjenu originalnih rezervnih dijelova istog.

Dobavljač se obavezuje da kvar na predmetnoj robi otkloni najkasnije naredni dan po prijavi kvara, a u slučaju potrebe zamjene originalnih rezervnih dijelova najkasnije u roku od 15 dana ukoliko se rezervni dio ne nalazi na skladištu.

Dobavljač odgovara za skrivene mane i nedostatke na robi, koji se nisu mogli odmah uočiti.

Ugovorni organ je obavezan da obavijesti Dobavljača o svim skrivenim nedostacima na robi koji se nisu mogli odmah uočiti, i to u roku od 7 dana od dana uočavanja takvih nedostataka, i da zahtijeva njihovo otklanjanje najkasnije u roku koji je ugovoren za isporuku.

Ako do isteka roka iz stava 2. ovog člana Dobavljač ne postupi po zahtjevu Ugovornog organa, Ugovorni organ može raskinuti Ugovor i zahtijevati naknadu štete.

Ukoliko se radi o neispravnosti isporučene robe koja se ne može trajno otkloniti, Dobavljač se obavezuje da će naredni dan Ugovornom organu isporučiti ispravnu robu, bez bilo kakvih mana i nedostataka.

Dobavljač garantuje mogućnost opravke kvara, nabavku originalnih rezervnih dijelova i komponenti za predmetnu robu, kao i servisiranje i nakon proteka garantnog roka.

Član 8.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 9.

Odredbe ovog Ugovora mogu se mijenjati samo uz pismenu saglasnost obje ugovorne strane.

Ovaj Ugovor se može raskinuti pismenim putem i to sporazumno ili po zahtjevu jedne od ugovornih strana, ukoliko su nastali bitni razlozi za raskid ugovora.

Član 10.

Ovaj Ugovor stupa na snagu danom obostranog potpisivanja od strane ovlaštenih osoba ugovornih strana.

Član 11.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Općinski sud u Sarajevu.

Član 12.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

DOBAVLJAC:



Broj: 3/020

Sarajevo, 17.01.2020

UGOVORNI ORGAN:



Broj: 13-1963-4/19

Sarajevo, 10.01.2020. godine

Izradila: Mustafić Amra, stručni saradnik za javne nabavke
Kontrolisala: Karić Amra, šef Službe pravnih i opštih poslova